



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Centula, hodie S. Richarij monasterium in opido eiusdem nominis, apud
Caletum regni Franciae opidum.

urn:nbn:de:hbz:466:1-11261

Plura vide in Actis eius à Surio euulgatis.
de S. Columbano vide infra cap. 13.

Centula, hodie S. Richarij monasterium in
opido eiusdem nominis, apud Caletum
regni Franciae op-
dum.

SRicharius Abbas & fundator mona-
sterij Centulensis in agro Pontiuo, fuit
Dagoberto Galliæ Regi admodum gratus.
Vitam eius scripsit Alcuinus Flaccus ad Ca-
rolum Magnum Imp. quæ exstat apud Suri-
um tomo 2. Meminitque eiusdem Hucbal-
dus in vita S. Rictrudis Marchianensis. Ex
his breuem vitæ eius seriem recitat Molanus
in Natal. SS. Belgij; Natus est Richarius in
villa Cetula, prouincia, Pontiuæ in quâ per pietas
opera; & prædicationis lumina clarus efful-
sit: sed & in ultramarinas Britanniæ regio-
nes lumen veritatis suo sparxit aduentu. Re-
uersus vero ad patriam, quodam tempore visi-
tauit equitando Deo deuotam feminam Ri-
ctrudem, & cum iuxta morem, ipsa ad
propria ascenso equo, remeanti, filiolum Mau-
rontum, quem antè sacro baptismate re-
generauerat, benedicendum daret, immisit
antiquus hostis equo ferocitatem: sed oran-
te famulo Dei, puer, qui ceciderat sanus

S. Richari-
us primaia-
cis funda-
menta mo-
nasterij.
Broilensis in
Flandria,
quod est ho-
die collegium
Canonicorum
S. Amarin
urbe Dua-
ensi.

S. Richarius
in Broilo o-
bijs.

redditus est matri, & equus redditus est mansue-
tudini sue. Cum autem ab omnibus honorare-
tur, monasticam vitam petens, regimen Ecclesiae
quam in Centulâ viro fundauerat, alteri tradi-
dit. Porro Gissemarus, vir illustris & Christia-
næ religionis amator & Maurontus, terrarum
vel siluarum ad Regem pertinentium seruator,
præbuerunt ei locum manendi in siluâ Tristia-
censi, qui & ipse Maurontus, postea seculari ha-
bitu deposito, monachus factus est in eodem loco.
Cumque vir Dei mansionem solitariam præpa-
rasset, Christo monasterium construere inchoa-
uit. At inibi tantâ: se mortificatione carnis
castigauit, ut vix ossaarentia dissipatis iunctu-
ris sibi adhererent, illum quotidie vincens in e-
remo, à quo Adam olim vinctus est in paradiſo,
nec tamen in eremi angustia, lucis columna
laterè potuit, multis ad eum confluentibus
infirmis, quos sanctorum medicinis orationum
sanauit. Præscius tandem diei euocationis suæ
Christi viatico suum iter muniuit, & inter-
gratarum actiones, & verba orationis, spiritu-
tum emisit: conditus à Sigobardo commili-
tione, ubi suo Regi maximè militauerat. Sed
non multò post fratres Centulenses cum suo Ab-
bate Ocialdo corpus tulerunt posueruntque eo in
loco, in quo etiam cum magna meritorum
gloria requiescit.

Ex his autem Alcuini verbis colligitur eum

Deo

Deo militasse multo tempore, deinde etiam obiisse, & quievisse in Belgio. Nam Maurontus, ut infra ex Hucaldo dicemus, monasterium suum Broili inter Flandros construxit.

Huc etiam referendum est ex Bertinensis monasterij Chronicis, propter Normannorum persecutiones, Flandriæ Comitem corpus eius & corpus Vualerici ad S. Betini monasterium trastulisse. In quo utrumque remansit usque ad tempora Arnulfi secundi, qui Hugoni Capeto, postea Francorum Regi, eam multum reposcenti, tandem restituit.

Haec tenus Molanus, Vocatur autem Centula hodie S. Richarij monasterium, opido eiusdem nominis in Picardiæ finibus inclusum.